



三禮考註卷之二十四

儀禮正經

聘禮第八

鄭氏曰大問曰聘諸侯相於父無事使卿相問之禮也小聘使大夫周禮曰凡諸侯之邦交歲相問也殷相聘也世相朝也聘於五禮屬賓禮大戴第十四小戴第十五別錄第八

聘禮○君與卿圖事遂命使者使者再拜稽首辭君不許乃退既圖事戒上介亦如之宰命司馬戒衆介衆介皆逆命不辭使者出聘之人也諸侯有聘事必以卿爲使君旣以賢能而命臣臣當以謙抑而辭者禮也宰上卿之以貳君事者也逆

受也言君既命使者矣又命上介及衆介也

記又無事則聘焉

事謂盟會之屬

右命使介

宰書幣命宰夫官具

書聘問之辭幣帛也官具者命衆官具宜用之禮

記多貨則傷于德幣美則沒禮○既受行出遂見宰問幾月之

貨樂居豈反資古文作齋

貨天地所化生謂玉也君子於玉比德焉朝聘之禮以爲信
節重禮也多之則是主於貨傷敗其爲德也幣人所造成以
自覆幣謂束帛也愛之斯欲衣食之君子之情也是以享用

幣所以副忠信美之則是主於幣而禮之本意不見也資行
用也古者君臣謀密草創未知所資費之多寡也

右具幣齋

及期夕幣使者朝服帥衆介夕管人布幕于寢門外官陳幣皮
北首西上加其奉於左皮上馬則北面奠幣于其前使者北面
衆介立於其左東上卿大夫在幕東西面北上宰入告具于君
君朝服出門左南鄉史讀書展幣宰執書告備具于君授使者
使者受書授上介公揖入官載其幣舍于朝上介視載者所受
書以行帥古文音當作率管古文皆作官布今文作敷朝音潮
鄉去聲奉古文作卷馬則北面今文無則字使去聲

夕幣者先行之日陳幣而視之重聘事也使者衣朝服率其

介前夕以臨之亦重其事也管猶館也館人謂掌次舍帷幕者也皮鳥獸之皮束帛玄纁也馬以則言者此禮主用皮或時用馬也

記使者既受行日朝同位

謂前夕幣之間也同位者使者北面介立于左少退別處臣也

右夕陳幣授使者

厥明賓朝服釋幣于禰

釋幣陳幣也禰考朝也

有司筵几于室中祝先入主人從入主人在右再拜祝告又再拜釋幣制玄纁束奠于几下出主人立于戶東祝立于牖西又

入取幣降卷幣實于筭埋于西階東又釋幣于行遂受命上介

釋幣亦如之

筭音煩器名

行神者祖祭也黃帝之子累好遠遊而死於道後世以為行神

右釋幣于禰及行

上介及衆介俟于使者之門外使者載旌帥以受命于朝

俟于門外東面北上立也旌旃通旌旗之屬通體盡赤載之者所以表識其事也

君朝服南鄉卿大夫西面北上君使卿進使者使者入及衆介隨入北面東上君揖使者進之上介立于其左接聞命鄉首向接猶續也

賈人西面坐落積取圭垂纁不起而授宰宰執圭屈纁自公左授使者使者受圭同面垂纁以受命既述命同面授上介上介受圭屈纁出授賈人衆介不從

賈人在官知物價者積贖通函也拜以圭奠纁上屈纁者斂之也賈人位居門外北面

受享束帛加璧受夫人之聘璋享玄纁束帛加琮皆如初

享獻也既聘而享用圭璧有庭實所以厚恩惠也夫人爲國小君亦有聘享用琮者天地配合之象也

記所以朝天子圭與纁皆九寸剡上寸半厚半寸博三寸纁三采六等朱白蒼

圭之剡上象天圓地方也三色者纁飾也

問諸侯朱纁纁八寸皆玄纁繫長天絢組

采成文曰絢繫無事則以繫玉因以爲飾皆用五采組上以玄下以絳爲地

凡四器者唯其所寶以聘可也

四器圭璋璧琮言國所寶者四玉也

凡執玉無藉者襲

藉謂纁也纁即所以緼藉玉曲禮有藉則楊無藉則襲鄭注楊襲文質相變耳有藻爲文楊見美亦文無藻爲質襲充美亦質圭璋特而襲璧琮加束帛而楊亦是也

右受命于朝

遂行舍于郊斂壇

舍止也邑外曰郊歛藏也歛壇者行道之時也

記出祖釋較祭酒脯乃飲酒于其側

祖始也將聘而行陳車騎釋酒脯之奠於較為行始也詩傳

曰較道祭也道路以險阻為難是以委土為山或伏牲其上

使者為較祭酒脯祈告也鄉大夫廋者於是餞之飲酒于其

側禮畢乘車轅之而後行舍於近郊矣

問大夫之幣俟于郊為肆又齋皮馬

肆陳列也齋猶持也

右遂行

若過邦至于竟使次介假道束帛將命于朝曰請帥奠幣下大

夫取以入告出許遂受幣餼之以其禮上賓大牢積唯芻禾介

皆有餼士帥沒其竟竟境通帥率通

過越也邦諸侯之封國也竟界也假借也道路也將奉也帥

猶道也奠幣者假道之禮也下大夫他國之大夫也取告者

取所奠之幣入告君也遂者明其受幣非為許也辭讓而不

得命也餼生牲也猶稟也給也沒盡也言他國之士相道者

必盡其境而後止也

誓于其境賓南面上介西面衆介北面東上史讀書司馬執筴

立于後

誓告戒之辭筴策通馬筮也一曰籌也賓南面專威信也執

馬筮者示罰禮也

右過他國

未入竟壹肆爲壇壇盡階帷其北無宮朝服無主無執也介皆與北面西上習享士執庭實習夫人之聘享亦如之習公事不習私事朝音潮與音預

肆習也壇壝埒也帷幕也無宮者不屋也公事致命之事私事私觀私面也

右習儀

及竟張旌誓乃謁關人關人問從者幾人以介對君使士請事遂以入竟

張旌明事在此國也周禮節服氏六人維王之常關人司關之屬問從者幾人欲知聘問之大小令有司之供具也
右及竟

入竟斂旌乃展布幕賓朝服立于幕東西面介皆北面東上賈人北面坐拭圭遂執展之上介北面視之退復位退圭陳皮北首西上又拭璧展之會諸其幣加于左皮上上介視之退馬則幕南北面奠幣于其前展夫人之聘享亦如之賈人告于上介上介告于賓有司展群幣以告

陳皮古文作陳幣

展者復校錄于幣重其事也北面者側幕而坐及開櫝也退圭者圭璋尊不藝陳也會合也

及郊又展如初

郊遠郊也

及館展幣于賈人之館如初

周禮市有候館

右三展幣

賓至于近郊張旌君使下大夫請行及君使卿朝服用束帛勞
上介出請入告賓禮辭迎于舍門之外再拜勞者不答拜賓揖
先入受于舍門內勞者奉幣入東面致命賓北面聽命還少退
再拜稽首受幣勞者出授老幣出迎勞者勞者禮辭賓揖先入
勞者從之乘皮設賓用束錦儼勞者勞者再拜稽首受賓再拜
稽首送幣勞者揖皮出乃退賓送再拜

請行者問所之也勞者不答拜凡為人使不敢當其禮也老

賓之臣也物四曰乘皮麋鹿之皮設者設於門內也

夫人使下大夫勞以二竹簠方玄被纁裏有蓋其實棗蒸栗擇

兼執之以進賓受棗大夫一手授栗賓之受如初禮儼之如初

下大夫勞者遂以賓入

兼兩也右執棗而左執栗

記辭曰非禮也敢對曰非禮也敢

右郊勞

至于朝主人曰不腆先君之祧既行以俟矣拚方問反

腆善也祧始祖之廟也周天子七廟文武為祧祧之言超也

拚本作拌方言楚人凡揮器之物曰拚

賓曰俟間

間隙也

右至朝

大夫帥至于館卿致館賓迎再拜卿致命賓再拜稽首卿退賓

送再拜

致至也致命者安之也

記卿館于大夫大夫館于士士館於工商管人為客三日具沐五日具浴

管人掌客館之人也沐濯髮也浴澡身也

右致管

宰夫朝服設殮飪一牢在西鼎九羞鼎三腥一牢在東鼎七堂上之饌八西夾六門外米禾皆二十車薪芻倍禾殮音孫殮舖也謂哺時食也飪熟也熟在西腥在東象春秋也鼎西九東七其鼎實與其陳如陳饗餼羞鼎則陪鼎也以其實言之則曰羞以其陳言之則曰陪饌食也八六者豆數也凡饌

以豆為本堂上八豆八簋六鉶兩簋八壺西夾六豆六簋四鉶兩簋六壺其實與其陳亦如饗餼禾稟實并刈者也諸侯之禮車米視生牢禾視死牢牢十車大夫之禮皆視死牢而已雖其有生牢不取數焉米陳門東禾陳門西薪芻各四十車亦如饗餼之設脯布胡反

上介飪一牢在西鼎七羞鼎三堂上之饌六門外米禾皆十車薪芻倍禾眾介皆少牢

上介之鼎七在西無鮮魚鮮腊也眾介之鼎五亦在西羊豕腸胃魚腊新至尚熟堂上之饌四豆四簋兩鉶四壺無簋也記殮不致賓不拜沐浴而食之

殮不致者不以束帛致命草次饌殮具輕也賓不拜者不致

命也

右設殮

厥明訝賓于館賓皮弁聘至于朝賓入于次乃陳幣訝今文作摺訝迓同迎也訝賓者下大夫亦皮弁服主尊敬也次在大門外之西以帷為之即陳幣之所也

卿為上擯大夫為承擯士為紹擯擯者出請事

擯擯同主國之君所使出接賓者上卿是也承者副上擯也紹者繼承擯也公之擯五人侯伯四人子男三人

公皮弁迎賓于大門內大夫納賓賓入門左公再拜賓辟不答拜

公迎賓不出門君臣之分也大夫納賓大夫上擯也

記卿大夫訝大夫士訝士皆有訝

卿使者大夫上介也士衆介也訝主國迎待賓者

宗人授次次以帷少退于君之次

朱子曰周禮幕人掌共帷幕掌次掌張幕此宗人二字恐誤右擯出迎賓

公揖入每門每曲揖及廟門公揖入立于中庭賓立接西塾

每門輒揖者亦敬也此賓謂聘卿大夫也公先入廟門省內事也賓迎西堂者已與君交禮將出侯也

右揖賓入及廟門

几筵既設擯者出請命賈人東面坐啓擯取圭垂纁不起而授上介上介不襲執圭屈纁授賓賓襲執圭擯者入告出辭玉

以主授介賓俱不裼襲者賤不爲禮賓襲而執圭者盛禮必盛服也辭玉者禮貴大讓也

納賓賓入門左介皆入門左北面西上三揖至于階三讓公升二等賓升西楹西東面擯者退中庭賓致命公左還北鄉擯者進公當楹再拜賓三退負序公側襲受玉于中堂與東楹之間擯者退負東塾而立賓降介逆出賓出公側授宰玉裼降立介皆入門左今文無門字

主賓揖讓升介不與者尊卑有別也公先升者君臣不相敵也拜拜貺賜也側猶獨也獨襲而受玉者尊賓也公側授宰玉者命之藏於序端也裼者免上衣見其盛服降立俟享也記唯大聘有几筵禮不拜至○辭無常孫而說辭多則史少則

不達辭苟足以達義之至也

禮不拜至者前者請行禮賓言俟問故今不是始至也孫順也史謂策祝至極也

辭曰子以君命在寡君寡君拜君命之辱

此贊君拜聘享之辭

上介執圭如重授賓賓入門皇升堂讓將授志趨授如爭承下如送君還而后再退下階發氣怡焉再三舉足又趨及門正焉

此介在廟門外屈纁授賓之容皇莊盛也讓謂舉手平衡也志趨謂審行步也如爭承者授玉之時如爭取物恐失墜也執圭入門鞠躬焉如恐失之皇且行入門主敬升堂主慎

右受玉

擯者出請賓揚奉束帛加璧享擯者入告出許庭實皮則攝之
毛在內內攝之入設也賓入門左揖讓如初升致命張皮公再
拜受幣士受皮者自後右客賓出當之坐攝之公側授享幣皮
如入右首而東揚古文作賜

內攝之者兩手相向也張者釋外足見文也攝之象授于賓
也

記及享發氣焉盈容衆介北面踰焉

踰容貌舒揚也

凡庭實隨入左先皮馬相間可也賓之幣唯馬出其餘皆東
間代也

右受享幣

記若君不見使大夫受自下聘命自西階升受負右席而立賓
降亦降不禮

不見謂有疾及有故也大夫上卿也受受聘享受自西階如
還圭然賓自大夫左受之

右君不見

聘于夫人用璋享用琮如初禮

記辭君以社稷故在寡小君拜

女公立于中庭以下辭者贊拜夫人聘享之辭也

右聘享夫人

若有言則以束帛如享禮

有言謂有所請求也若春秋臧孫辰告羅于齊是也

記若有故則卒聘束帛加書將命百名以上書於策不及百名書於方主人使人與客讀諸門外

故謂災患及時事相告請也名書文也策簡也方版也

右有言有故

擯者出請事實告事畢○賓奉束錦以請覲擯者入告出辭入告出辭者未禮賓故止客而先禮賓也

請禮賓賓禮辭聽命擯者入告宰夫徹几改筵

將禮賓徹神几改神席更布也賓之席東上

公出迎賓以入揖讓如初

前是公禮故聘訖而後享公不出迎此私禮故迎

公升側受几于序端宰夫內拂几三奉兩端以進公東南鄉外

拂几三卒振袂中攝之進西鄉擯者告賓進訖受几于筵前東面俟公壹拜送賓以几辟北面設几不降階上答再拜稽首公升今文無升鄉去聲

振袂進者公以授賓也擯者告告賓以公將授几也賓進訖者未設也几賓在几

宰夫實觶以醴加柶于觶面枋公側受醴賓不降一拜進筵前受醴復位公拜送醴宰夫薦籩豆脯醢賓升筵擯者退負東塾賓祭脯醢以柶祭醴三庭實設降筵北面以柶兼諸觶尚擯坐啐醴

賓一拜者醴質以少為貴也庭實乘馬也擯持也以右手之柶并于左兩手以捧觶也

公用束帛建柶北面奠于薦東擯者進相幣賓降辭幣公降一等辭栗階升聽命降拜公辭升再拜稽首受幣當東楹北面退東面俟公壹拜賓降也公再拜賓執左馬以出上介受賓幣從者訝受馬

束帛者致幣于賓也不俟公再拜者不敢當公之盛也公再拜者事畢成禮也賓執左馬出者受尊者禮宜親之也

記醴尊于東廂瓦大一有豐薦脯五臠祭半臠橫之祭醴再投始投一祭卒再祭

瓦大瓦尊臠脯如版然者或謂之臠

主人之庭實則主人遂以出賓之士訝受之

此謂餘三馬者左馬賓執以出矣

右禮賓

賓覲奉束錦總乘馬二人贊入門右北面奠幣再拜稽首擯者辭賓出

覲用束錦辟享幣也總乘馬者總八轡牽之贊者居馬間扣馬也入門右私事自闕右奠幣再拜以臣禮見也贊賈人也

擯者坐取幣出有司二人牽馬以從出門西面于東塾南擯者

請受賓禮辭聽命牽馬右之入設賓奉幣入門左介皆入門左

西上公揖讓如初升公北面再拜賓三退及還負序振幣進授

當東楹北面士受馬者自前還牽者後適其右受牽馬者自前

西乃出賓降階東拜送君辭拜也君降一等辭擯者曰寡君從

子雖將拜起也栗階升公西鄉賓階上再拜稽首公少退賓降

出公側授宰幣馬出公降立

取幣出將還之也牽馬入設者先設客禮也入門左以客禮入也反還者不敢與授圭同也適右受適牽者之右而受之也受馬自前變於受皮也公獨授宰幣者廟中宜清也

記私覲愉愉焉出如舒鴈

愉愉和敬貌舒鴈鵠也

既覲賓若私獻奉獻將命擯者入告出禮辭賓東面坐奠獻再拜稽首擯者東面坐取獻舉以入告出禮請受賓固辭公答再拜擯者立于闕外以相拜賓辟擯者授宰夫于中庭若兄弟之國則問夫人

右賓私覲私獻

擯者出請上介奉束錦士介四人皆奉玉錦束請覲擯者入告出許上介奉幣儷皮二人贊皆入門右東上奠幣皆再拜稽首擯者辭介道出擯者執上幣士執衆幣有司二人舉皮從其幣出請受委皮南面執幣者西面北上擯者請受介禮辭聽命皆進訝受其幣上介奉幣皮先入門左奠皮公再拜介振幣自皮西進北面授幣退復位再拜稽首送幣介出宰自公左受幣有司二人坐舉皮以東

玉錦錦之文織繻者也擯者辭辭其臣也介逆出事畢也出請受者請于上介也皮先者介隨執皮者而入也執皮者奠皮有不敢受之義也不受于堂介賤也

擯者又納士介士介入門右奠幣再拜稽首擯者辭介逆出擯

者執上幣以出禮請受賓固辭公答再拜擯者出立于門中以相拜士介皆辟士三人東上坐取幣立擯者進宰夫受幣于中庭以東執幣者序從之

納者出道其入也固衍文賓爲之辭士介賤不敢以言通於主君也士介辟東面位也序從者宰夫一一序也

右介私覲

擯者出請賓告事畢擯者入告公出送賓及大門內公問君賓對公再拜公問大夫賓對公勞賓賓再拜稽首公答拜公勞介介皆再拜稽首公答拜賓出公再拜送賓不顧

賓告事畢則衆介逆道賓出也賓對者以無恙答也公問勞大夫以道路之勤而賓亦對者賤不可以體貴也

右公送賓問君門大夫勞賓介

自厥明訝賓至此凡七節只是一日之禮

賓請有事於大夫公禮辭訝賓即館

記賓即館訝將公命又見之以其摯

右賓即館

卿大夫勞賓賓不見大夫奠鴈再拜上介受勞上介亦如之記幣之所及皆勞不釋服

右卿大夫勞

君使卿章弁歸饗餼五牢上介請事賓朝服禮辭有司入陳歸今文作饋

變皮弁服章弁敬也入陳入賓館陳積也

○饗○飪一牛鼎九設于西階前陪是當內廉東面北上上當
碑南陳牛羊豕魚腊腸胃同是膚鮮魚鮮腊設有鼎腍臠臠蓋
陪牛羊豕

饗飪與腥也陪鼎者三牲之膾也陪加之也當內廉辟堂塗
也膚豕肉也腍牛臠臠羊臠臠豕臠

腥二牛鼎二七無鮮魚鮮腊設于阼階前西面南陳如飪鼎二
列堂上八豆設于戶西西陳皆二以並東上韭菹其南醢醢
八簋繼之黍其南稷錯六鉶繼之牛以西羊豕南牛以東羊
豕兩簋繼之梁在北八壺設于西序北上二以並南陳兩夾六
豆設于西墉下北上韭菹其東醢醢屈六簋繼之黍其東稷錯
四鉶繼之牛以南羊豕東豕豕以北牛兩簋繼之梁在西皆二

以並南陳六壺西上二以並東陳饌于東房亦如之西北上

東上西陳醢醢百甕夾碑十以為列醢在東並今文作併

腥鼎所以優賓也醢醢汁也屈猶錯也醢醢西昌本也昌本

西糜鬻糜鬻西菁菹菁菹比鹿鬻鹿鬻東葵菹葵菹東蜎醢

蜎醢東韭菹鉶羹器也六豆者先設韭菹其東醢醢又其東

昌本南糜鬻西菁菹又西鹿鬻饌於東房東夾室也西北上

者亦韭菹其東醢醢也壺西陳者亦在北墉下統於豆也夾

碑者鼎中央也醢在東醢穀陽也醢肉陰也甕瓦器

餼二牢陳于門西北面東上牛以西羊豕豕西牛羊豕米百筥

筥半斛設于中庭十以為列北上黍梁稻皆二行稷四行門外

米三十車車秉有五簋設于門東為三列東陳米三十車車三

秬設于門西西陳薪芻倍禾秬丁故反

餼生牲也十斗曰斛秉禾束也禾百二十斤為石二石為筥

十筥曰稷十稷曰秬秬四百秉也籩十六斗爾雅釜二有半

曰簋簋二有半曰缶五簋者二十四斛三秬者千二百秉倍

禾者以其用之多也薪從米芻從禾四者之車皆陳北軸皆

禮之至厚也東西為列行列橫陳黍兩行在北次梁次稷不

用稻為上者稻梁是加黍稷是正故也

稷音總

賓皮弁迎大夫于外門外再拜大夫不答拜揖入及廟門賓揖

入大夫奉束帛入三揖皆行至于階讓大夫先升一等賓從升

堂北面聽命大夫東面致命賓降階西再拜稽首拜餼亦如之

大夫辭升成拜受幣堂中西北面大夫降出賓降授老幣至于

階讓古文作階三讓

賓皮弁老君之卿也大夫使者卿也大夫致命者大夫以束

帛同致饗餼也堂中西中央之西也

出迎大夫大夫禮辭許入揖讓如初賓升一等大夫從升堂庭

實設馬乘賓降堂受老束錦大夫止賓奉幣西面大夫東面賓

致幣大夫對北面當楣再拜稽首受幣于楹間南面退東面俟

賓再拜稽首送幣大夫降執左馬以出賓送于外門外再拜○

明日賓拜于朝拜饗與餼皆再拜稽首

記聘日致饗○十斗曰斛十六斗曰簋十簋曰秉二百四十斗

四秉曰筥十筥曰稷十稷曰秬四百秉為一秬○凡賓拜于朝

訝聽之

右歸賓饗餼

記賜饗唯羹飪菜一尸若昭若穆

羹飪謂飪一牢也肉謂之羹菜尸若昭若穆若父在則祭祖
父卒則祭禰也

僕為祝祝曰孝孫某孝子某薦嘉禮于皇祖某甫皇考某子
僕為祝者大夫之臣攝官也

如饋食之禮假器于大夫盼肉及廋車

盼音班廋所求反

如少牢饋食之禮不言少牢今以大牢也盼猶賦也廋廋人
也車巾車也

右羹飪菜尸祭

上介饗餼三牢飪一牢在西鼎七羞鼎三腥一牢在東鼎七堂

上之饌六西夾亦如之管及壘如上賓餼一牢門外米禾視死
牢牢十車薪芻倍禾凡其實與陳如上賓下大夫芻并用束帛
致之上介芻弁以受如賓禮饋之兩馬束錦

賓介皆異館故別設餼焉飪鼎七者無鮮魚鮮腊也饌六者
賓西夾之數

右歸上介饗餼

士介四人皆餼大牢米百管設于門外宰夫朝服牽牛以致之
士介朝服北面再拜稽首受無擯

牢米不入門無束帛畧之也受牢之禮受于牢東拜自牢後
記士無饗無饗者無擯○無饗者無饗禮

右歸衆介餼

記歸大禮之日既受饗餼請觀訝帥之自下門入

右聘使請觀

賓朝服問卿卿受于祖廟下大夫擯擯者出請事大夫朝服迎于外門外再拜賓不答拜揖大夫先入每門每曲揖及廟門大夫揖入擯者請命庭實設四皮賓奉束帛入三揖皆行至于階讓賓升一等大夫從升堂北面聽命賓東面致命大夫降階西再拜稽首賓辭升成拜受幣堂中西北面賓降出大夫降授老幣無擯

至于階讓古文作三讓○賓問卿不皮弁者別於主君也不几筵辟君也四皮麋鹿皮也

擯者出請事實而如觀幣賓奉幣庭實從入門右大夫辭賓

左庭實設揖讓如初大夫升一等賓從之大夫西面命賓稱面大夫對北面當楣再拜受幣于楹間南面退西面立賓當楣再拜送幣降出大夫降授老幣庭實設今文作入誤

面亦見也稱舉也舉相見之辭以相接也受幣楹間者敵也記聘日致饗明日問大夫大夫不敢辭君初爲之辭矣

明日問者亦敬也

辭君既寘君延及三老拜

大夫曰老

右賓問卿面卿

擯者出請事上介持面幣如覲介奉幣皮二人贊入門右奠幣再拜大夫辭擯者反幣庭實設介奉幣入大夫揖讓如初介升

大夫再拜受介降拜大夫降辭介升再拜送幣奉幣入古文作
入誤

皮亦儷皮反幣者還上介也

擯者出請衆介面如覲幣入門右奠幣皆再拜大夫辭介逆出
擯者執上幣出禮請受賓辭大夫答再拜擯者執上幣立于門
中以相拜士介皆辟老受擯者幣于中庭士三人坐取群幣以
從之擯者出請事

賓辭者亦爲士介辭也

右介私面於卿

賓出大夫送于外門外再拜賓不顧擯者退大夫拜辱

右賓出

下大夫嘗使至者幣及之上介朝服三介問下大夫下大夫如
卿受幣之禮其面如賓插卿之禮

嘗使至以幣問不忘舊也上介三介下大夫使者

右問嘗使者

大夫若不見君使大夫各以其爵爲之受如主人受幣禮不拜
各以其爵主人卿也則使卿大夫則使大夫不拜代受之耳
不當主人禮也

右主國大夫有故

記既將公事賓請歸賓既將公事復見訝以其執

既已也公事聘享問大夫復報也

右賓見訝者

夕夫人使下大夫常弁歸禮堂上籩豆六設于戶東西上二以並東陳壺設于東序北上二以並南陳醢黍清皆兩壺大夫以東帛致之賓如受饗之禮饋之乘馬束錦醢所九反

夕問卿之夕也使下大夫下君也君使之云夫人者以致辭當稱寡小君也醢白酒也凡酒稻爲上黍次之梁次之間清白者互相備也

上介四豆四籩四壺受之如賓禮饋之兩馬束錦明日賓拜禮於朝

拜禮古文作拜醴四壺無稻酒也

記聘日致饗明日問大夫夕夫人歸禮

與君異日下之也

右夫人歸禮於賓介

大夫餼賓大牢米八筐賓迎再拜老牽牛以致之賓再拜稽首受老退賓再拜送上介亦如之衆介皆少牢米六筐皆士牽羊以致之

記凡餼大夫黍稷各二筐五斛

米八筐者黍稷各二筐四筐二以並南陳無稻米六筐者又無梁也

右大夫餼賓介

公於賓壹食再饗燕與羞俶獻無常數賓介皆明日拜于朝上介壹食壹饗若不親食使大夫各以其爵朝服致之以侑幣如致饗無饋致饗以酬幣亦如之

饗謂饗大牢以飲賓也食禮無酒饗禮有酒羞謂禽羞俶始也始獻四時新物君不親食謂有疾及他故必致之不廢其禮酬幣者饗禮酬賓勸酒之幣也

記其介爲介○凡致禮皆用其饗之加邊豆各以其爵朝服○大夫來使無罪饗之過則餼之○有大客後至則先客不饗食致之○燕則上介爲賓賓爲苟敬宰夫獻○既致饗旬而稍宰夫始歸乘禽日如其饗餼之數士中日則二雙凡獻執一雙委其餘于面禽羞俶獻比

苟敬者小敬也阼階西近主爲位諸公坐位爲小敬對戶牖南面爲大敬稍稟食也乘謂乘行之禽鴈鶩之屬

右食饗燕羞獻

大夫於賓壹饗壹食上介若食右饗○若不親饗則公作大夫致之以酬幣致食以侑幣

作使也大夫有故君必使其同爵者爲之致其禮也

右大夫饗食賓介

君使卿皮弁還玉于館賓皮弁襲迎于外門外不拜帥大夫以入大夫升自西階鉤楹于門外今文無外帥古文作率

還玉者德不可取於人相切厲之義也鉤楹者由楹內將南面致命致命不東面以賓在下也

賓自碑內聽命升自西階自左南面受圭退負右房而立聽命升今文作聽命由自左南面今文無南面字

此特於下聽命者敬也

大夫降中庭賓降自碑內東面授上介于阼階東上介出請賓
迎大夫還璋如初入

右還玉及還璋

賓楊迎大夫賄用束紡

予人以財曰賄紡紡絲爲之今之素紗也

禮玉束帛乘皮皆如還玉禮大夫出賓送不拜

禮玉以玉禮聘君所以報享也

記賄在聘于賄○無行則重賄反幣

于讀曰爲無行謂獨來復無所之也

客將歸使大夫以其束帛反命于館明日君館之

右報享

公館賓賓辟上介聽命公退賓從請命于朝公辭賓退

記又拜送

館賓者賓將去公親造其館送之也賓辟者不敢屈主君之
尊也

右公館賓

聘享夫人之聘享問大夫送賓公皆再拜

拜此四事公東面拜擯者北面

右公拜四事

賓三拜乘禽於朝訝聽之遂行舍於郊

記賓於館堂楹間釋四皮束帛賓不致主人不拜

拜者明受君之賜雖微禮亦拜

右賓拜賜遂行

公使卿贈如覲幣受于舍門外如受勞禮無償使下大夫贈上
介亦如之使士贈衆介如其覲幣大夫親贈如其面幣無償贈
上介亦如之使人贈衆介如其面幣○士送至于竟公使今文
作君使

右贈送

使者歸及郊請反命朝服載旌纓乃入乃入陳幣于朝西上上
賓之公幣私幣皆陳上介公幣陳他介皆否束帛各加其庭實
皮左禮古文作旌

禳祭名禳除行道之不祥也公幣有八一郊勞二禮賓三致
饗餼四夫人歸禮五侑食六再饗七夕饗八贈侑皆用束錦

私幣十有九上介公幣五

公南鄉卿進使者使者執圭垂纁北面上介執璋屈纁立于其
左反命曰以君命聘于某君某君受聘于某宮某君再拜以享
某君某君再拜宰自公左受玉受上介璋致命亦如之執賄幣
以告曰某君使某子賄授宰禮玉亦如之執禮幣以盡言賜禮
公曰然而不善乎授上介幣再拜稽首公答再拜私幣不告君
勞之再拜稽首君答再拜若有獻則曰某君之賜也君其以賜
乎上介徒以公賜告如上賓之禮君勞之再拜稽首君答拜勞
士介亦如之君使宰賜使者幣使者再拜稽首賜介介皆再拜
稽首乃退介皆送至于使者之門乃退揖使者拜其辱鄉使勞
皆去聲

而猶女也徒謂空手不執其幣而告也女音汝

右歸反命

釋幣于門乃至于禴筵几于室薦脯醢觴酒陳

至禴筵告復也觴酒陳者主人酌進奠一獻也行釋幣反釋奠畧出謹入也

席于阼薦脯醢

為酢主人也酢主人者祝取爵酌不酢於室異於祭也

三獻

室老亞獻七三獻也每獻奠輒取爵酌主人自酢也

一人舉爵獻從者行酬乃出上介至亦如之

三獻禮成更起酒也

右釋幣于門至于禴

聘遭喪入竟則筵也不郊勞不筵几不禮賓主人畢歸禮賓唯

饗餼之受不賄不禮玉不贈竟境通勞去聲

主國君薨已入境則見之闕人未告則友也不郊勞者世子

未即位也不筵几者致命不於廟就尸柩於殯宮不神之也

不禮賓者因喪殺禮也畢歸禮者接納之禮雖不罷而饗餼

饗食之禮不可廢也唯饗餼之受者受正不受加也不賄不

禮玉不贈者凶喪之餘不備禮也

遭夫人世子之喪君不受使大夫受于廟其他如遭君喪

不受者不以凶接吉也

遭喪將命于大夫主人長衣練冠以受

長衣素純布衣也練冠不以純函接吉也

右遭主國喪

聘君若薨于後入竟則遂赴者未至則哭于巷衰于館受禮不受饗食赴者至則衰而出唯稍受之歸執圭復命于殯升自西階不升堂子即位不哭辯復命如聘子臣皆哭與介入北鄉哭出袒括髮入門右即位踊赴今文作訃鄉去聲

哭于巷門未可爲位也衰于館者未可以凶服見人其聘享之事自若吉也受禮者饗餼之禮復命于殯者臣子於君父存亡同也

右聘君薨

若有私喪則哭于館衰而居不饗食歸使衆介先衰而從之

私喪謂父母也哭于館衰而居不敢以私喪自聞于主國凶服于君之言使也

右私喪

賓入竟而死遂也主人爲之具而殯介攝其命君弔介爲主人上人歸禮幣必以用介受賓禮無辭也不饗食歸介復命柩止于門外介卒復命出奉柩送之君弔卒殯若大夫介卒亦如之士介死爲之棺斂之君不弔焉若賓死未將命則旣斂于棺造于朝介將命若介死歸復命唯上介造于朝若介死雖士介賓旣復命往卒殯乃歸

具者謂始死至殯所當用也介攝者爲致聘享之禮也君弔介爲主人者雖有臣子親姻猶不爲主人以介與賓並命于

君尊也必以用者以禮幣爲喪具之用也士介死爲之棺斂者不具他衣物也未將命者俟間之後也以柩造朝以已至朝志在達君命也往謂送其柩也

右賓介卒

小聘曰問不享有獻不及夫人主人不筵几不禮面不升不郊勞其禮如爲介三介

記賤於聘所以爲小也其禮如爲介如上文卿聘之時爲介者所得之禮也三介者行禮惟有三介也

右小聘

三禮考註卷之二十四

三禮考註卷之二十五

儀禮正經

公食大夫禮第九

鄭氏曰主國君以禮食小聘大夫之禮也於五禮屬嘉禮大戴第十五小戴第十六別錄第九

公食大夫之禮

食音似

使大夫戒各以其爵上介出請入告三辭賓出拜辱大夫不答拜將命賓再拜稽首大夫還賓不拜送遂從之賓朝服即位于大門外如聘

請者問所以來之事也不答拜者爲人使不敢當禮也

記不宿戒戒不速賓之乘車在大門外西方北面立

食禮輕不宿戒也戒不速者食賓之朝夙興戒之賓則從戒者而來不復召也

右戒賓賓從

即位具羹定甸人陳鼎七當門南面西上設宿霤霤若束若編設洗如饗小臣具盤匱在東堂下宰夫設筵加席几無尊飲酒漿飲俟于東房九宰夫之具饌于東房宿今文作鉉霤古文作密饗食古文作具者具饌物也羹定者肉熟也七鼎一大牢也如饗者先饗後食如其近者也無尊者主於食不獻酬也飲酒清酒也漿飲戴漿也其俟奠於豐上也

記不授几無阼席亨于門外東方司宮具几與蒲筵常緇布純加萑席尋玄帛純皆卷自末○宰夫筵出自東房

無阼席者公不坐也門外亨者大夫之事

右陳器饌

公如賓服迎賓于大門內大夫納賓賓入門左公再拜賓辟再拜稽首公揖入賓從及廟門公揖入賓入三揖至于階三讓公升二等賓升大夫立于東夾南西上士立于門東北面西上小臣東堂下南面西上宰東夾北西面南上內官之士在宰東北西面南上介門西北面西上

左西方賓位也揖入道之也東夾南東西節也內官夫人之官屬也自卿大夫至此不先即位從君而入者明助君饗食於賓也

右迎賓即位

公當楣北鄉至再拜賓降也公再拜賓西階東北面答拜擯者辭拜也公降一等辭曰寡君從子雖將拜興也賓栗階升不拜命之成拜階上北面再拜稽首

楣梁也

記卿擯由下

由下不升堂也

右拜至

士舉鼎去鼎於外次入陳鼎于碑南南面西上右人抽局坐奠于鼎西南順出自鼎西左人待載雍人以俎入陳于鼎南旅人南面加七于鼎退大夫長盥洗東南西面北上序進盥退者與進者交于前卒盥序進南面七載者西面魚腊飪載體進奏魚

七縮俎寢右腸胃七同俎倫膚七腸胃膚皆橫諸俎垂之大夫既七七奠于鼎逆退復位坐奠今文作坐委待載古文作持載長洗皆上聲倫膚今文作論膚

旅人雍人之屬旅食者也序猶更也前洗南也體謂牲與腊也奏謂皮膚之理也同俎者牛羊同類也倫理也謂精理滑脆者也倫膚謂豕之皮革也橫俎者順其在理之性也垂者腸胃垂及俎拒也七載者又待設俎也

右鼎入載俎

公降盥賓降公辭卒盥公壹揖壹讓公升賓升宰夫自東房授醢醬公設之賓辭北面坐遷而東遷所公立于序內西鄉賓立于階西疑立壹古文作一階西今文作西階

公降者將設醬也醢醬以醢和醬也授授公也疑正立也
宰夫自東房薦豆六設于醬東西上韭菹以東醢醢昌本南麋
藟以西菁菹鹿藟藟今文作麋

昌本昌蒲本菹也醢有骨曰藟

士設俎于豆南西上牛羊豕魚在牛南腊腸胃亞之膚以為特
旅人取七甸人舉鼎順出奠于其所

不言絳錯俎尊也膚以為特直豕與腸胃東也所當門也絳

側耕反

宰夫設黍稷六簋于俎西二以並東北上黍當牛俎其西稷錯
以終南陳簋古文作軌並今文作併

記贊者盥從俎升上贊下大夫也

豆亦從下升不言從者贊者不佐祭豆直佐祭俎也

右公設醢醬遂薦豆設俎簋

大羹滫不和實于鐙宰右執鐙左執蓋由門入升自阼階盡階
不升堂授公以蓋降出入反位公設之于醬西賓辭坐遷之滫
今文作汁鐙登通

羹滫煮肉汁也大古之羹不和鐙登通瓦豆曰鐙

宰夫設鉶四于豆西東上牛以西羊羊南豕豕以東牛

鉶和羹之器

飲酒實于觶加于豐宰夫右執觶左執豐進設于豆東宰夫東
面坐啓筮會各卻于其西

會食蓋也

記劔羊牛麇羊苦豕薇皆有滑

麇豆葉苦茶滑董苴也

右公設大羹遂設劔實解

贊者負東房南面告具于公公再拜揖食賓降拜公辭賓升再拜稽首賓升席坐取韭菹以辯擣于醢上豆之間祭贊者東面坐取黍實于左手辯又取稷辯反于右手與以授賓賓祭之三牲之肺不離贊者辯取之壹以授賓賓興受坐祭挽手扱上劔以柶辯擣之上劔之間祭祭飲酒於上豆之間魚腊醬涪不祭涪今文作汁擣于醢今文無于字

擣猶染也肺不離者刲之也祭離肺者絕肺祭也壹猶稍也

右賓祭正饌

宰夫授公飯梁公設之于清西賓北面辭坐遷之公與賓皆復初位宰夫膳稻于梁西士羞庶羞皆有大蓋執豆如宰先者反之由門入升自西階先者一人升設于稻南簋西間容人旁四列西北上腳以東臠臠牛炙炙南醢以西牛臠醢牛鮓鮓南羊炙以東羊臠醢豕炙炙南醢以西豕臠芥醬魚膾衆人膳羞者盡階不升堂授以蓋降出脚古文作香臠今文作薰鮓今文作鮓

簋西黍稷西也間容人者賓當從其間往來也內則謂鮓為膾然則鮓用鮓芥醬芥實醬也內則曰膾春用葱秋用芥各有所宜也膳當作勝勝者送也

記簋有蓋帟凡炙無醬

炙無醬者已有調和也

右公設飯梁為加饌先

贊者負東房告備于公贊升賓賓坐席未取梁即稻祭于醬清
間贊者北面坐辯取庶羞之大興一以授賓賓受兼壹祭之賓
降拜公辭賓升再拜稽首公答再拜

稻祭者謂祭稻梁也

右賓祭加饌

賓北面自間坐左擁簋梁右執清以降公辭賓西面坐奠于階
西東面對西面坐取之栗階升北面及奠于其所降辭公公許
賓升公揖退于箱擯者退負東塾而立賓坐遂卷加席公不辭

賓三飯以清醬宰夫執解漿飲與其豐以進賓稅手與受宰夫
設其豐于稻西庭實設賓坐祭遂飲奠于豐

自間坐由兩饌之間也箱東夾之前俟事之處也設豐者酒
在東醬在西是所謂左酒右醬也

右賓食正饌

公受宰夫束帛以侑西鄉立賓降筵北面擯者進相幣賓降辭
幣升聽命降拜公辭賓升再拜稽首受幣當東楹北面退西楹
西東面立公壹拜賓降也公再拜介逆出賓北面揖執庭實以
出公降立上介受賓幣從者訝受皮

鄉相皆去聲訝今文作預

侑勸也主國君以為食賓殷勤之意未至復發幣以勸之欲
安賓也

右侑幣

賓入門左沒雷北面再拜稽首公辭揖讓如初升賓再拜稽首公答再拜賓降辭公如初賓升公揖退于箱賓卒食會飯三飲不以醬酒

會飯黍與稷也不以醬酒者不復用饌也

右卒食

挽手與北面坐取梁與醬以降西面坐奠于階西東面再拜稽首公降再拜

取梁與醬坐奠者亦親徹也

右賓降

介逆出賓出公送于大門內再拜賓不顧有司卷三牲之俎歸

于賓館魚腊不與明日賓朝服拜賜于朝拜食與侑幣皆再拜稽首許聽之與古文作象

卷猶收也無遺之辭也朝謂大門外也

右歸賓俎及賓拜賜

上大夫八豆八簋六劔九俎魚腊皆二俎魚腸胃倫膚若九若十有一下大夫則若七若九庶羞西東毋過四列上大夫庶羞二十加於下大夫以雉免鶉鴛毋古文作無鶉音淳鴛音如

記公食上大夫異於下大夫之數豆加葵菹蠃醢四四為列

俎加鮮魚鮮腊三三為列無特若九若十一者以命數為差

等也九謂再命者也十一謂三命者也七謂一命者也九或

上或下者再命謂小國之卿次國之大夫也卿則曰上大夫

則曰下大國之孤視子男母過四列謂上下大夫也鶉鷓屬
鴛無母

記上大夫蒲筵加荏席其純皆如下大夫純上大夫庶羞酒飲
漿飲庶羞可也拜食與侑幣皆再拜稽首

右食上大夫禮

若不親食使大夫各以其爵朝服以侑幣致之豆實實于壘陳
于楹外二以並北陳簋實實于楹內兩楹間二以並南陳
庶羞陳于碑內庭實陳于碑外牛羊豕陳于門內西方東上賓
朝服以受如受饗禮無賓明日賓朝服以拜賜于朝訝聽命並
今文作併

壘北陳者變於食壘數如豆醢芥醬梟從焉筐米皆四

右不親食

大夫相食親戒速迎賓于門外拜至皆如饗拜降盥受醬酒侑
幣束錦也皆自阼階降堂受授者升一等賓止也賓執梁與酒
之西序端主人辭賓反之卷加席主人辭賓反之辭幣降一等
主人從受侑幣再拜稽首主人送幣亦然辭於主人降一等主
人從卒食徹于西序端東面再拜降出其他皆如公食大夫之
禮禮襲古文作鄉束錦今文無束字

記異於君也皆自阼階者謂受醬受酒受幣也執梁西序者
不敢食於尊所也稽首者敵也其他謂豆數俎體陳設皆不
異上陳也

若不親食則公作大夫朝服以侑幣致之

作使也大夫有故君必使其同爵者爲之致禮列國之賓來
榮辱之事君與臣同也

賓受于堂無償

與受君禮同

右大夫相食禮

三禮考註卷之二十五

三禮考註卷之二十六

儀禮正經

覲禮第十

鄭氏曰覲見也諸侯秋見天子之禮春見曰朝夏見曰宗
秋見曰覲冬見曰遇朝宗禮備覲遇禮省是以享獻不見
焉三時禮亡唯此存爾覲禮於五禮屬賓禮大戴第十六
小戴第十七別錄第十

覲禮○至于郊

覲之言見也郊謂國近郊

王使人皮弁用璧勞侯氏亦皮弁迎于帷門之外再拜勞使也皆去声

璧無束帛者天子之玉尊也不言諸侯言侯氏者明國殊舍異禮不凡之也

使者不答拜遂執玉三揖至于階使者不讓先升侯氏升聽命降再拜稽首遂升受玉使者左還而立侯氏還璧使者受侯氏降再拜稽首使者乃出

不答拜不敢當其禮也不讓升者奉王命尊也升者升壇也左還還南面示將去也還璧重禮也

侯氏乃止使者使者乃入侯氏與之讓升侯氏先升授几侯氏拜送几使者設几答拜侯氏用束帛乘馬僎使者使者再拜受侯氏再拜送幣使者降以左驂出侯氏送于門外再拜侯氏遂從之

駮馬曰驂

右郊勞

天子賜舍曰伯父女順命于王所賜伯父舍侯氏再拜稽首僎之束帛乘馬

賜舍猶致館也諸侯同姓之長曰伯父

右賜舍

天子使大夫戒曰某日伯父帥乃初事侯氏再拜稽首

右戒日

諸侯前朝皆受舍于朝同姓西面北上異姓東面北上

右受舍

侯氏裨冕釋幣于禰

裨冕衣裨衣而冠冕也釋幣者告將覲于考廟

右釋幣于禰

乘墨車載龍旂弧韉乃朝以瑞玉有纁天子設斧依於戶牖之間左右几天子衮冕負斧依韉音獨

墨車大夫制也乘之者入天子之國車服不可盡同也交龍為旂諸侯之所建者弧所以張繆之弓也弧木弓也一曰牲體寡來體多曰弧弓衣曰韉依衮通狀如屏風當戶牖之間繡為斧文以示威也負斧依南鄉而立也繆所衛反

齋夫承命告于天子天子曰非他伯父實來予一人嘉之伯父其入予一人將受之

齋夫司空之屬也

侯氏入門右坐奠主再拜稽首擯者謁侯氏坐取圭升致命王受之玉侯氏降階東北面再拜稽首擯者延之曰升升成拜乃出

從後詔禮曰延延進也

記偏駕不入王門

五路為正四路為偏

几俟于東箱○奠圭于纁上

右行覲禮

四三享皆束帛加璧庭實唯國所有奉束帛四馬卓上九馬隨之中庭西上奠幣再拜稽首擯者曰予一人將受之

四享字誤大行人職曰諸侯朝中將幣皆三享皆以璧帛而

致之卓猶的也

侯氏升致命王撫玉侯氏降自西階東面授宰幣西階前再拜稽首以馬出授人九馬隨之事畢

玉撫之而不受輕財也

右行享禮

乃右肉袒于廟門之東乃入門右北面立告聽事

右肉袒者刑宜施於右也凡以禮事者左袒入更從右者臣

蓋純也

擯者謁諸天子天子辭於侯氏曰伯父無事歸寧乃邗侯氏再拜稽首出自屏南適門西遂入門左北面立王勞之再拜稽首擯者延之曰升升成拜降出

右侯氏請事王勞侯氏

天子賜侯氏以車服迎于外門外再拜路先設西上路下四亞之重賜無數在車函

車服者路車玄冕也

諸公奉篋服加命書于其上升自西階東面太史是右侯氏升西面立太史述命侯氏降兩階之間北面再拜稽首升成拜太史加書于服上侯氏受使者出侯氏送再拜擯使者謂公賜服者束帛四馬儼太史亦如之

諸公者王同時分命之而使賜侯氏也右讀如周公右王之右述命者讀王命書也再拜者受命也升成拜者太史辭之降也

同姓大國則曰伯父其異姓則曰伯舅同姓小邦則曰叔父其異姓小邦則曰叔舅

同姓者魯晉是也異姓者齊宋是也

右賜車服

饗禮乃歸

禮謂食燕也王或不親以其禮幣致之

右饗

諸侯覲于天子為宮方三百步四門壇十有二尋深四尺加方明于其上

宮謂壝土為埒以象墻壁也為宮者於國外春夏秋冬之會同各於東西南北四位為之十有二尋則九丈六尺也深謂

高北方明者上下四方神明之象也合木為上下四方故名方此則神明之象故名明上下四方之神者所謂明神也

方明者木也方四尺設六色東方青南方赤西方白北方黑上玄下黃設六玉上圭下璧南方璋西方琥北方璜東方圭

六色象其神六玉以禮之上宜以蒼璧下宜以黃琮而不以者則上下之神非天地之至貴者也設玉者刻其木而著之上介皆奉其君之旂置于宮尚左公侯伯子男皆就其旂而立

置旂於宮者為王位也諸公中階前北面東上諸侯東階東

西面北上諸伯西階西東面北上諸子門東北面東上諸男門西北面東上尚左者建旂也公東上侯先伯伯先子子先男而位皆上東方也諸侯入壇門或左或右各就其旂而立

王降階南鄉見之三揖士揖庶姓時揖異姓天揖同姓見揖位乃定也

四傳擯

四傳擯者每一位畢擯者以告乃更陳列而升其次公也侯也伯也各一位子男俠門而俱東上亦一位也至庭乃設擯則諸侯初入門王官之伯帥之耳

天子乘龍載大旂象日月升龍降龍出拜日於東門之外反祀方明

此謂會同以春者也馬八尺以上爲龍大旂大常也王建大常繆首畫日月其下及旒交畫升龍降龍朝事儀曰天子乘大路建大常帥諸侯而朝日於東郊所以教尊尊也

禮日於南門外禮月與四瀆於北門外禮山川丘陵於西門外此謂會同以夏冬秋者也變拜言禮者容祀也禮月於北郊者月大陰之精以爲地神也盟神必云日月山川者尚著明也

祭天燔柴祭山丘陵升祭川沈祭地瘞

升沈必就祭者也就祭則是謂王巡狩及諸侯之盟祭也其盟惕其著明者燔柴升沈瘞祭禮終矣備矣郊特牲曰郊之祭也迎長日之至也大報天而主日也宗伯職曰以實柴祀日月星辰則燔柴祭天謂祭日也柴爲祭日則祭地瘞者祭月也日月而云天地者靈之也虞書曰至于岱宗柴是王巡狩之盟其神主日也春秋傳曰晉文公爲踐土之盟而傳云

山川之神是諸侯之盟其神主山川也月者大陰之精上爲
天使臣道莫貴焉是王官之伯會諸侯而盟其神主月與
右祀方明

三禮考註卷之二十六

